

Guangjisi Minzcu Bau

ganbhau: CN45-0036 B.2016 Nd.7 Ng.27 liggaueq bingjsaen nienz ndwenloeg ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3234期

Cingsih: Ywdoj Bang Vunzlai Saujsu Minzcu Demsou

靖西: 中草药材助少数民族群众增收

Gaenh geij bi neix daeuj, Cingsih Si baengh swyenz ywdoj fungfouq, diegnamh biz caeuq dienheiq ndei daengj mizleih swyenz diuzgienh, haenqrengz fatdoengh vunzlai dajndaem ywdoj, hawj canjnieb mboujduenh hwngfat guhhung, bang vunzlai dieg saujsu minzcu demsou.

It dwg okdaiz cwngcwz, daezsang dajndaem yiedcingz. Aen si neix gvidingh noengzhoh dajndaem ywdoj caemhcaiq mienhcik lienzenq daengz 10 moux doxhwnj, moix moux roengz ngaenzgoek 1000 daengz 5000 maenz, ndaej laebdaeb 3 bi bued hawj boujdiep moix moux 300 maenz, gikfat le gij yiedcingz vunzlai dajndaem ywdoj.

Ngeih dwg cinghab bumwnz swyenz, gyahung beizyin ligdoh. Gaenmaenx cinghab bangrex, minzcuz, gohgi, gyauyuz daengj bumwnz swyenz hengzguh beizyin dinfwngz dajndaem ywdoj, doenggvaq banh banbeizyin, banh hoihaenglwnh, yienhciengz sonyinx daengj hingzsik, doiq vunzlai dajndaem ywdoj guh cienzmienh beizyin.

Sam dwg gaem ndei canjsiu fugsah, gajgez youheiq noengzhoh. Aen si neix yungh "gunghsw + gihdi + noengzhoh" caeuq "gunghsw + hozcozse + gihdi" doxgap vunqsik, doenggvaq vunzlai ok diegnamh, goengrengz hauejguj, gunghsw ok cehfaen, dinfwngz hauejguj daengj

hingzsik guh doxgap hwngfat, laeb diegguyienh lienzenq dajndaem ywdoj 16 aen, yinxhauej Guengjsae Cwngdaz Ywdoj Hwngfat Mizhanh Gunghsw daengj giyez, gyagoeng gij ywdoj vunzlai ndaem okdauej haenx, saedhengz baujgyaq dinghdan caeuq leih'ik doxcug, gyangqdaemq vunzlai dajndaem fungyiemj, baujcam diuz roen gai huq, gajgez youheiq vunzlai.

Ciuq cam rox, aen si neix yamqlaeng yaek caenh rengz hwngfat dajndaem ywdoj mienhcik daengz 10 fanh moux doxhwnj, souhauej daengz 3.2 ik maenz doxhwnj, hawj canjnieb ywdoj baenz diuz roenloh youqgaenj vunzlai dieg saujsu minzcu demsou baenzfouq he. (Yangz Boz/杨博)

SIUSIK DINJ

简讯

● Bineix doxdaeuj, Hozbuj Yen gaem ndei canjnieb bangrex, senj giyez dangguh guhyienh daiqdoengh, doidoengh daengx yienh minzyingz giyez camgya bangrex canjnieb hwngfat, baumaenh moix aen mbanjungzhoj, moix aen ranzungzhoj ceiqnoix miz aen giyez roxnaeuz hozcozse ndeu daiqdoengh, vih doxgaiq reihnaz mbanjungzhoj daezhawj canj, gung, gai daengj fugsah, daiqdoengh ranzungzhoj vut gungz baenzfouq.

(Linz Gijboh)

● 7 nyied 20 hauh, Gveilinz Si Vwnzlenz cuj-ciz lauxhangz vwnzyi bae daengz Gunghcwngz Yauzcuz Swciyen Bingzanh Yangh Lugouj Cunh Mbanmajvangzdangz, fwngz gaem fwngz sonyinx bangcoengh bouxyienj caijdiu vwnzyidonz aen mbanj neix daezsang yienjheiq suijbingz.

(Cauh Binjciuh Linz Sinhcngh)

● Gaenh geij bi neix daeuj, Dwzbauj Yen vih guh ndei hong swncienz, vat-cimh caeuq baujhoh Heiqcuengh baihnanz, laeb baujhoh gihci, gyalai bued roengz ngaenzcienz, laeb cienz cienhangh bangcoengh caeuq baujhoh Heiqcuengh, aeu Heiqcuengh baihnanz caeuq cwngcwz fapgyi guekgva, cwngcwz leih minz doxgiethab. Doengzseiz lij haiguh Heiqcuengh hauej mbanj, hauej hagdangz, hauej ginggih daengj hozdung dem, hawj Heiqcuengh ndaej ndeindei swncienz.

(Nungz Yungifang)

● Gaenh geij bi neix daeuj, Ginhcuh Si Ginhnanz Gih haenqrengz hwngfat canjnieb ndaem mak, daengx gih saedyienh ndaem mak cungmienhcik daengz 20.9 fanh moux, bi canjlieng 6 fanh lai dun, canjciz daengz 2.6 ik maenz, mizyauq daiqdoengh bouxguhnaz baenzfouq.

(Vangz Yaubangh)

Sanhgyangh: Seizndat "Yezyej" Fungcingz Naekna

三江: 暑日“月也”风情浓



7 nyied 22 hauh, vunzmbanj Sanhgyangh Duncuz Swciyen Linzhil Cwngzyangz Bazcai caeuq ginggih gunghsw banh "yezyej" hozdung, yungh aenvenz caijdangz, golaux Duncuz, ngaizbakranz daengj lai cungj cezmuz guh'angq, baijyienj fungcingz gyaeu-ndei.

Gaenh geij bi neix daeuj, aen yienh neix cauxmoq doihengz gij vunqsik "lijyouz + gunghsw + hozcozse + densangh", gyavaiq hwnjguh lijyouz "yinggen", doengzseiz haenqrengz dwk "gep baiz fungcingz", yinx le haujlai bouxhek daeuj yawjngonz daejniemh, haenqrengz aeu Sanhgyangh dajcaux baenz aen cungsim ciengxdang yietbaeg swnghdai lijyouz minzcuz vwnzva daengx guek. Ndaw doz dwg bouxyienj ciengq golaux Duncuz.

(Gungh Bujangh/龚普康)

Denzlinz Roengzrengz Dajcaux "It Mbanj It Gingjloeg"

田林努力营造“一个村屯一个绿景”生态美景

Bineix doxdaeuj, Denzlinz Yen aeu lajmbanj demloeg, guhndei vanzging, bouxguhnaz laisou guh muzbyauh, dajndaem gij dinfaex mboujdan ndaej loegvaq youh ndaej gyalai souhauej haenx, haenqrengz doicaenh "loegvaq aenmbanj", roengzrengz dajcaux gij gingjsaek gyaeunde "it mbanj it gingjloeg".

Vih daezsang aenmbanj loegvaq binjcaet, gajnde swnghdai vanzging, saedbauj ciuqseiz guhsat yihvu dajndaem dinfaex. Denzlinz Yen aeu seiqhenz mbanj, song henz roenloh,

laeng ranz naj ranz guh demloeg cungdenj, dingh'ok biujanbaiz guhhong dajsuenq, saedbauj ciuqseiz guhsat guhhong neiyungz gak seizgan diemjciet, gak fucwz danhvei hix dawz yihvu guhhong loegvaq aenmbanj guh faengej, lozsis daengz gak bouxfucwz, vih saedbauj ndaw bi guhsat dajndaem dinfaex caeuq gij yihvu loegvaq aenmbanj dwkroengz giekdaj maenhndei.

Ciuq cam rox, bineix Denzlinz Yen gaenmaenx ceng'aeu ngaenzcienz hwnjguh swcigih "loegvaq aenmbanj"

diemjguhyienh, dajsuenq loegvaq mbanjguhyienh 40 aen, dajsuenq loegvaq aenmbanj itbuen 600 aen. Seizneix aen yienh neix gaeng guhsat gij yinvu loegvaq 21 aen mbanjguhyienh loegvaq, demlai loegvaq mienhcik 116.5 moux, dajndaem loegvaq dinfaex 7747 go; guhsat gij yinvu loegvaq 510 aen mbanj itbuen loegvaq, demlai loegvaq mienhcik 266.1 moux, dajndaem loegvaq dinfaex 53658 go.

(Yenj Cinbyauh/冉俊彪)